



Reglament davart sustegn per uniuns e gruppaziuns d'interess

per la vischnaunca Lumnezia

Cuntegn

I.	Disposiziuns generalas	3
Art. 1	Principi	3
Art. 2	Sustegn	3
Art. 3	Lavur cumina	3
Art. 4	Premissas	3
Art. 5	Exclusiun	3
II.	Contribuziuns finanzialas	3
Art. 6	Damonda	3
Art. 7	Sustegn finanziel	4
Art. 8	Repartiziun	4
III.	Obligaziuns	4
Art. 9	Communicaziun	5
Art. 10	Collaboraziun	5
Art. 11	Dretg da sponsur	5
Art. 12	Annunzia dissoluziun	5
IV.	Disposiziuns finalas	5
Art. 13	Dretg legal	5
Art. 14	Maldiever	5
Art. 15	Vigur	5
Aschunta		
	Contribuziuns finanzialas	7

Reglament davart sustegn per uniuns

dils 24-03-2014 (rev. 05-07-2021)

La suprastonza communal,

sebasond sin art. 3 dalla Constituziun dalla vischnaunca Lumnezia dils 23 da settember 2012 (revidida ils 24-11-2019),

concluda:

I. Disposiziuns generalas

Art. 1 Principi

Uniuns e gruppaziuns d'interess ein da muntada per il beinstar communal ed influenzeschan l'identitad e l'attractivitat dalla vischnaunca Lumnezia. Ellas augmentan la qualidad da viver cun lur purschidas e promovon il spért da cuminonza. La vischnaunca Lumnezia sustegn e promova quellas activitads.

Art. 2 Sustegn

La vischnaunca sustegn las uniuns e gruppaziuns d'interess

- a) cun contribuziuns finanzialas
- b) cun metter a disposiziun sia infrastruttura
- c) cun sustener activitads che promovon giuvenils sil camp da sport e cultura

Art. 3 Lavur cumina

La vischnaunca sa sustener las uniuns e gruppaziuns d'interess supplementarmein cun surdar incaricas. Las lavurs vegnan indemnisadas all'uniun cun ina summa pauschala.

Art. 4 Premissas

Per retscheiver in sustegn ston ils suandonts criteris vegnir ademplici:

- a) uniun tenor art. 60 ff. dil Cudisch civil Svizzer cun statuts e structuradas organisatoricas
- b) la purschida dall'uniun sto da principi esser accessibla per in e scadin
- c) neginas activitads commercialas cun intents da gudogns
- d) uniun sto haver silmeins 10 commembers cun domicil en vischnaunca
- e) uniun sto mussar ora pliras activitads per onn
- f) gruppaziun d'interess tenor art. 76 dalla constituziun communal ch'ademplescha activitads tenor ses statuts

Art. 5 Exclusiun

Uniuns cun intents immorals ni dubius ein exclausas d'in sustegn.

II. Contribuziuns finanzialas

Art. 6 Damonda

¹ Las damondas per contribuziuns annualas ein d'inoltrar annualmeins sin fundament d'ina publicaziun uffiziala cun surdar las statutas (tier l'emprema damonda), ina gliesta dils commembers ed il program annual.

² Las damondas per contribuziuns unicass ein d'inoltrar ordavon alla vischnaunca Lumnezia cun ina documentaziun:

- ina damonda en scret (sche pusseivel indicar la summa da contribuziun giavischada)
- ina descripciun cuorta dil project
- tier occurrenzass; liug e termin da quella
- in preventiv cun in plan da finanziaziun
- la persuna da contact
- in conto da pagament (IBAN).

³ Igl onn 2021 vala sco onn transitoric. Damondas per sustegns finanziass vegnan tractadas dafertontier.

⁴ Naven digl 01. da schaner 2022 valan ils suandonts termins d'inoltraziun: 15 da mars / 15 da zercladur / 15 settember e 15 da december. La cumissiun da cultura, resp. la suprastonza communal decide mintgamai alla fin dil quartal.

Damondas che vegnan inoltradas suenter quei termin vegnan tractadas pér il proxim quartal.

Art. 7 Sustegn finanziass

¹ La summa che stat a disposiziun per contribuziuns finanziass vegn fixada annualmein dalla suprastonza communal e riguardada el preventiv communal.

² Las contribuziuns annualas vegnan fixadas en in'annexa e per ordinari pagadas sin la fin digl onn calendaric.

³ Sur da contribuziuns unicass e honoraziuns per success extraordinaris decide la suprastonza.

Art. 8 Repartiziun

Il sustegn finanziass sedrezza tenor l'annexa da quest reglament e vegn sbursaus:

- a) ad uniuns cun activitads sin ils secturs "art e cultura", "social ed ambient" cun metter a disposiziun l'infrastructura e cun in sustegn finanziass annual.
- b) ad uniuns cun activitads sin il sector "sport e moviment" cun metter a disposiziun l'infrastructura e cun in sustegn finanziass annual aschilunsch ch'ei vegn prestau lavur activa per la promoziun da giuvenils. Sco giuvenils vala ina vegliadetgna denter 7 e 20 onns.
- c) per projects da muntada regionala cun contribuziuns unicass

Il project duess ademplir ils suandonts criteris:

- a. haver in aspect romontsch en documentaziun e cuntegn dil project, oravontut tier publicaziuns
- b. haver in'impurtonza particulara per la regiun ella quala il project vegn realisau.
- c. Ina eventuala contribuziun finanziass includa l'obligaziun da pagar las taxass tenor il 217.110 Reglament per diever da stabiliments communs per la vischnaunca Lumnezia
- d. per success extraordinaris sil scalem cantunal e federal ed internaziunal cun contribuziuns da honoraziun
- e. a gruppaziuns d'interess tenor art. 76 dalla constituiun communal

III. Contact

La damonda per sustegn finanziass sto vegnir inoltrada en scret via posta ni per posta electronica Vischnaunca Lumnezia, cumissiun da cultura, Palius 32D, Caum postal 54, 7144 Vella ni info@lumnezia.ch cugl avis "cumissiun da cultura".

IV. Decisiuns

Davart la concessiun dallas contribuziuns decida la cumissiun da cultura resp. la suprastanza communal quater gadas ad onn, mintgamai alla fin dil quartal.

Decisiuns dalla cumissiun da cultura resp. dalla suprastanza communal ston buca vegnir motivadas e san buca vegnir contestadas.

La vischnaunca Lumnezia ha da vegnir informada:

- sch'il project per il qual la cumissiun da cultura, resp. la suprastanza communal ha concediu ina contribuziun e vegn per in motiv ni l'auter buca exequius. En quei cass scada la contribuziun.
- sch'il termin dall'occorrenza vegn refiers. En quei cass decida la cumissiun da cultura, resp. la suprastanza communal sche la contribuziun sa vegnir spustada sil niev termin.
- sch'il project vegn redimensiunau. En quei cass ha da vegnir inoltrau in preventiv da project actualisau.

La contribuziun vegn assignada tenor convenientscha culs pertuccai.

Projects susteni dalla vischnaunca vegnan publicai regularmein ellas novitads dalla suprastanza communal (senza indicar la summa da sustegn concedida).

V. Obligaziuns

Art. 9 Communicaziun

La vischnaunca dat allas uniuns e gruppaziuns d'interess la pusseivladad d'impurtar lur occorrenzas sin ina gliesta ch'ella publichescha silla pagina d'internet e tier Surselva Turissem AG.

Art. 10 Collaboraziun

Uniuns e gruppaziuns che retscheivan sustegn dalla vischnaunca ein obligadas da collaborar tier occorrenzas ni eveniments communal.

Art. 11 Dretg da sponsur

Uniuns e gruppaziuns che retscheivan sustegn dalla vischnaunca ein obligadas da menziunar ella sco sponsura tenor convenientscha individuala.

Art. 12 Annunzia dissoluziun

Vegn in'unioni ni ina gruppaziun sliada ni sistescha ella sias activitads, ha ella d'annunziar quei immediat alla vischnaunca.

VI. Disposiziuns finalas

Art. 13 Dretg legal

Per il pagament da contribuziuns exista da principi negin dretg legal.

Art. 14 Maldiever

Fa in'unioni ni ina gruppaziun valer contribuziuns cun annunzias incorrectas ni fatgs fauls, sa la vischnaunca pretender ina restituziun dallas contribuziuns e sistir sustegns futurs. Art. 15

Art. 15 Vigur

La revisiun da quest reglament entra en vigur igl 01. da schaner 2022. El replazza reglaments per contribuziuns precedents.

Igl onn 2021 vala sco onn intermediar. La cumissiun da cultura lavura il secund semester 2021 tenor quei reglament

Approbau dalla suprastanza communal Lumnezia a caschun dalla sesida dils 05 da fenadur 2021.

Il president communal:



Daniel Solèr



Igl actuar:



Marcus Cavegn

Aschunta

Contribuziuns finanzialas annualas

Uniuns cun activitads “art e cultura”, “ social ed ambient”

Musicas da stuors	CHF	2000
Gruppas instrumentalas	CHF	500
Chors cun sur 50 commembers	CHF	2000
Chors cun sut 50 commembers	CHF	1000
Uniuns da dunnas	CHF	500
Uniuns da giuventetgna	CHF	500
Uniuns samaritanas	CHF	500

Uniuns cun activitads “sport e moviment” che promovon giuvenils

JO Lumnezia	CHF	2000
Club da ballapei Lumnezia	CHF	2000
Ulteriuras uniuns sportivas lumnezianas	CHF	1000
Uniun da tir Lumnezia	CHF	1000
Tiradurs sportivs Surin	CHF	1000

Gruppaziuns d’interess tenor art. 76 dalla constituziun communal

Cuminonza Vrin	CHF	500
Fundaziun Pro Suraua	CHF	500
Uniun Pro Cumbel	CHF	500
Uniun Pro Lumerins	CHF	500

Contribuziuns unicis

Decisiun individuala entras la suprastanza communal per

- Projects da teater
- Eveniments da sport e cultura cun muntada regionala
- Ulteriuras contribuziuns per projects ed occurrenz

Honoraziuns

Decisiun individuala entras la suprastanza communal per success extraordinaris sil scalem cantunal e federal ed internaziunal

Contribuziuns per instruments ed uniformas

Las uniuns dueien coordinar la cumpra d’instrumentaziuns ed uniformaziuns aschia che mo ina uniun ad onn fa quellas investiziuns.

Per instruments:

20% dalla summa totala dils instruments che vegnan efectivamein cumprai.

Per uniformas:

CHF 150 per commember activ. Igl ei d’inoltrar ina gliesta actuala dils commembers activs.

Contribuziuns per cudischs e discs cumpacts

Cudischs:	maximum CHF 2'000
Discs cumpacts	maximum CHF 1'500